

佛
藏
輯
要



32

巴蜀書社

第三十二册

佛藏輯要

周紹良題



新學
PDG

(川)新登字〇〇八號

封面題字：趙樸初
扉頁題字：周紹良
責任編輯：陳大利 秦伏男
林建 黃雲生
封面設計：梅定開

佛藏輯要

(全四十一冊)

出版
發行

巴蜀書社

(中國成都鹽道街三號)

印刷
裝訂

成都東方福利彩印廠
成都新新印刷廠

一九九三年十一月第一版
一九九三年十一月第一次印刷

版權所有

翻印必究

ISBN7-80523-537-6/Z·54

目錄

慈悲道場懺法

一

勝宗十句義論

一一六

金七十論

一二二

薄伽梵歌

一五四

悉曇字記

二〇九

景祐天竺字源

二一九

翻譯名義集

三〇七

慈悲道場懺法傳

此懺者。梁武帝爲皇后郗氏病後

數月。帝常追悼之。晝則忽不樂。夜則臥臥不寐。

寐居寢殿。聞外有騷卒之聲。視之。迺見一蟒盤

躡上殿。睨睛呀口。以向於帝。帝大驚駭。無所逃

遁。不得已。蹶然而起。謂蛇曰。朕宮殿嚴警。非爾

蛇類所生之處。必其妖孽。欲祟朕耶。蛇爲人語

啟帝曰。蟒則昔之郗氏也。妾以生存嫉妒六宮。

其性慘毒。怒一發則火熾矢射。損物害人。死以

慈悲懺卷一

一

路一

是罪謫爲蟒耳。無飲食可實口。無窟穴可庇身。

飢窘困迫。力不自勝。又一鱗甲。則有多蟲咬嚼

肌肉。痛苦甚劇。若加錐刀。爲蟒非常蛇。亦復變

化而至。不以皇居深重爲阻耳。感帝平昔眷妾

之厚。故託醜形骸。陳露於帝。祈一功德。以見拯

拔也。帝聞之。嗚呼感激。旣而求蟒。遂不復見。帝

明日。大集沙門於殿庭。宣其由。問善之最。以贖

其苦。諸公對曰。須禮佛懺滌愆。款方可。帝乃然

其言。搜索佛經。錄其名號。兼親抒睿思。灑聖翰。

撰悔文。共成十卷。皆採淨住語。削去閑詞。爲其

懺禮。又一日。聞宮室內異香馥郁。良久轉美。初

不知所來。帝因仰視。乃見一天人。容儀端麗。謂

帝曰。此則蟒後身也。蒙帝功德。已得生忉利天。

今呈本身。以爲明驗也。殷勤致謝。言訖不見。自

梁迄今。已千餘年。得此懺本。虔敬禮懺。所爲所

祈者。皆有陰騭感應。猶恐厥事闇然未彰。輒以

麤記。用達諸耳目云。

光緒十五年冬十一月金陵刻經處重刊

慈悲懺卷一

二

路一

舉香水讚

楊枝淨水。徧灑三千。性空八德。利人天。餓鬼免

針咽。滅罪除愆。火燄化紅蓮。

南無清涼地菩薩摩訶薩 三稱

南無聖觀自在菩薩 三稱

讚持大悲等呪心經畢舉

摩訶般若波羅蜜多

唵。娑摩巴葛瓦帝阿。巴囉蜜。沓。阿。優哩。阿。納。蘇。

必。亦。實。執。沓。牒。左。囉。宰。也。怛。塔。哥。達。也。阿。囉。訶。

帝。三。藥。三。不。達。也。怛。你。也。塔。唵。薩。哩。巴。桑。斯。葛。

哩叭哩述沓達囉馬帝。哥哥捺桑馬兀哥帝莎
巴瓦比述帝馬喝捺也叭哩瓦哩莎喝願將以
此勝功德祝讚 皇帝萬萬歲聖明君諸國來
朝會南無無量壽祝讚 皇帝萬萬歲再云

以此經呪功德 回向護法龍天

三界嶽瀆靈聰 守護道場真宰

祈福保安平善 莊嚴無上菩提
有為先亡

普願法界眾生 共入毗盧性海

舉香讚

慈悲懺卷一

三

路一

爐香乍熱法界蒙熏諸佛海會悉遙聞隨處結

祥雲誠意方殷諸佛現全身

南無香雲蓋菩薩摩訶薩三稱

主者舉文

恭聞梁皇寶懺彌勒題名誌公集華藏之玄文
羣經錄諸佛之聖號大集沙門宏宣懺法懺文
感夢於梁朝瑞氣騰輝於武帝由是耿耿金光
不昧皎皎寶燄芬芳郁郁香煙熏內闕重重花
藥耀王宮青霄雲裏天人現報體之端嚴白玉

堦前。郝氏脫蟒身之苦難。以此消災。災消吉至。
因茲滅罪。罪滅福生。迺破暗之明燈。真救病之
妙藥。恩沾九有。德被四生。懺之功德。讚莫能窮。
茲者懺文肇啟。仰叩普賢行王。運想香花。供養
十方調御。欲嚴清淨之懺壇。先誦祕密之章句。
要祈善果。以周隆。必使罪花而彫謝。仰叩洪慈。
大彰靈應。眾念

普賢王菩薩摩訶薩三稱 象駕光臨眾和

有一菩薩結跏趺坐。名曰普賢。身白玉色。五

慈悲懺卷一

四

路一

十種光。光五十種色。以為項光。身諸毛孔。流
出金光。其金光端。無量化佛。諸化菩薩。以為
眷屬。安詳徐步。雨大寶花。至行者前。其象開
口。於象牙上。諸池玉女。鼓樂絃歌。其聲微妙。
讚歎大乘一實之道。行者見已。歡喜敬禮。復
更讀誦。甚深經典。徧禮十方無量諸佛。禮多
寶佛塔。及釋迦牟尼。并禮普賢諸大菩薩。發
是誓願。若我宿福。應見普賢。願尊者徧吉。示
我色身。

南無普賢菩薩 十稱

舉一切恭敬

一心頂禮十方方法界常住佛

一心頂禮十方方法界常住法

一心頂禮十方方法界常住僧

是諸眾等。各各胡跪嚴持香花。如法供養。十

方法界三寶。

願此香花徧十方

以為微妙光明臺

諸天音樂天寶香

諸天餽饍天寶衣

慈悲懺卷一

五

路一

不可思議妙法塵

一一塵出一切塵

一一塵出一切法

旋轉無礙互莊嚴

徧至十方三寶前

十方法界三寶前

悉有我身修供養

一一皆悉徧法界

彼彼無雜無障礙

盡未來際作佛事

普熏法界諸眾生

蒙熏皆發菩提心

同入無生證佛智

想已散花舉

願此香花雲

徧滿十方界

供養一切佛 尊法諸菩薩

緣覺聲聞眾 及一切天仙

以起光明臺 過於無邊界

無邊佛土中 受用作佛事

普熏諸眾生 皆發菩提心

寶檀華菩薩摩訶薩 云云

讚佛偈 起立念

容顏甚奇妙 光明照十方

我適曾供養 今復還親觀

慈悲懺卷一

六

路一

聖主天中王 迦陵頻伽聲

哀愍眾生者 我等今頂禮 仰白

十方三寶。刹海天龍。懺摩海會聖凡。願賜慈悲。

俯垂證鑑。有疏披宣。伏希諦聽。表白宣意

上來情旨。恭對披宣。大圓鑑中。諒垂印可。是以

備香花供養。燈燭莊嚴。命我等流。代行懺法。今

則依仗如來。大寂滅海。歸投普門。大悲願王。蕩

罪業於無何有之鄉。翦芥蒂於不萌枝之地。心

純是法。與法相應。理事圓融。行願成就。我既如

是佛必哀憐。祈叩洪慈。冥熏加被。

舉讚

梁皇天子聖明君

聚集沙門造懺文

三十六宮生怨恨

二十四院盡含瞋

郗氏業深爲大蟒

覺來殿上現全身

纔聞壇內僧開啟

雲端合掌謝皇恩

次讚

天上天下無如佛

十方世界亦無比

世間所有我盡見

一切無有如佛者

慈悲懺卷一

七

路一

四八端嚴殊勝相

僧祇三大劫修來

面如滿月目如蓮

天上人間咸恭敬

又讚

大慈大悲愍眾生

大喜大捨濟含識

相好光明以自嚴

眾等志心歸命禮

天上天下無如佛

十方世界亦無比

世間所有我盡見

一切無有如佛者

啟運慈悲道場懺法

一心歸命三世諸佛

南無過去毗婆尸佛

南無尸棄佛

南無毗舍浮佛

南無拘留孫佛

南無拘那含牟尼佛

南無迦葉佛

南無本師釋迦牟尼佛

南無當來彌勒尊佛

無上甚深微妙法

百千萬劫難遭遇

我今見聞得受持

願解如來真實義

慈悲懺卷一

八

路一

慈悲道場懺法卷第一

立此慈悲道場四字。乃因夢感。

彌勒世尊。既慈隆卽世。悲臻後劫。依事題名。弗

敢移易。承此念力。欲守護三寶。令魔隱蔽。摧伏

自大。增上慢者。未種善根者。今當令種。已種善

根者。今令增長。若計有所得。住諸見者。皆悉令

發捨離之心。樂小法者。令不疑大法。樂大法者。

令生歡喜。又此慈悲。諸善中王。一切眾生。所歸

依處。如日照晝。如月照夜。爲人眼目。爲人導師。

爲人父母。爲人兄弟。同歸道場。爲真知識。慈悲之親。重於血肉。世世相隨。雖死不離。故目等心。標號如上。

今日道場。幽顯大眾。立此懺法。并發大心。有二大因緣。何等十二。一者願化六道。心無限齊。二者爲報慈恩。功無限齊。三者願以此善力。令諸眾生。受佛禁戒。不起犯心。四者以此善力。令諸眾生。於諸尊長。不起慢心。五者以此善力。令諸眾生。在所生處。不起恚心。六者以此善力。令

慈悲懺卷一

九

路一

諸眾生。於他身色。不起嫉心。七者以此善力。令諸眾生。於內外法。不起慳心。八者以此善力。令諸眾生。凡所修福。不爲自身。悉爲一切無覆護者。九者以此善力。令諸眾生。不爲自身。行四攝法。十者以此善力。令諸眾生。見有孤獨。幽繫疾病。起救濟心。令得安樂。十一者以此善力。若有眾生。應折伏者。而折伏之。應攝受者。而攝受之。十二者以此善力。令諸眾生。在所生處。恆自憶念。發菩提心。令菩提心。相續不斷。仰願幽顯凡

聖大眾。同加覆護。同加攝受。令_某等所悔清淨。所願成就。等諸佛心。同諸佛願。六道四生。皆悉隨從。滿菩提願。

歸依三寶第一

今日道場。同業大眾。宜各人人起覺悟意。念世無常。形不久住。少壯必衰。勿恃容姿。自處汙行。萬物無常。皆當歸死。天上天下。誰能留者。年少顏色。肌膚鮮澤。氣息香潔。是非身保。人生合會。必歸磨滅。生老病死。至來無期。誰當爲我卻除

慈悲懺卷一

十

路一

之者。災害卒至。不可得脫。一切貴賤。因此死已。身體降脹。臭不可聞。空愛惜之。於事何益。若非勤行勝業。無由出離。_某等自惟形同朝露。命速西光。生世貧乏。無德可稱。智無大人神聖之明。識無聖人洞徹之照。言無忠和仁善之美。行無進退高下之節。謬立斯志。勞倦仁者。仰屈大眾。慚懼交心。旣法席有期。追戀無及。從此一別。願各努力專意。朝夕親奉供養。勤加精進。唯是爲快。仰願大眾。各秉其心。被忍辱鎧。入深法門。

今日道場同業大眾宜各殷重起勇猛心不放
逸心安住心大心勝心大慈悲心樂善心歡喜
心報恩心度一切心守護一切心救護一切心
同菩薩心等如來心一心至意五體投地奉爲
國王帝主土地人民父母師長上中下座善惡
知識諸天諸仙護世四王主善罰惡守護持呪
五方龍王龍神八部廣及十方無窮無盡含靈
抱識水陸空界一切眾生

歸依十方盡虛空界一切諸佛

拜

慈悲懺卷一

十一

路一

歸依十方盡虛空界一切尊法

拜

歸依十方盡虛空界一切賢聖

拜

今日道場同業大眾何故應須歸依三寶諸佛
菩薩有無限齊大悲度脫世間有無限齊大慈
安慰世間念一切眾生猶如一子大慈大悲常
無懈倦恆作善事利益一切誓滅眾生三毒之
火教化令得阿耨多羅三藐三菩提眾生不得
佛誓不取正覺以是義故應須歸依又復諸佛
慈念眾生過於父母經言父母念兒慈止一世

佛念眾生慈心無盡又父母見子背恩違義心
生悲恨慈心薄少諸佛菩薩慈心不爾見此眾
生悲心益重乃至入於無間地獄大火輪中代
諸眾生受無量苦是知諸佛諸大菩薩慈念眾
生過於父母而諸眾生無明覆慧煩惱覆心於
佛菩薩不知歸向說法教化亦不信受乃至麤
言起於誹謗未曾發心念諸佛恩以不信故墮
在地獄餓鬼畜生諸惡道中徧歷三塗受無量
苦罪畢得出暫生人間諸根不具以自莊嚴無

慈悲懺卷一

十二

路一

禪定水無智慧刀如是等障由無信心

今日道場同業大眾不信之罪眾罪之上能令
行人長不見佛相與今日各自慷慨折意挫情
生增上心起慚愧意稽顙求哀懺悔往罪業累
既盡表裏俱淨然後運想入歸信門若不起如
是心運如是意直恐隔絕障滯難通一失斯向
冥然無返豈得不人人五體投地如大山崩一
心歸信無復疑想某等今日以諸佛菩薩慈悲
心力始蒙覺悟深生慚愧已作之罪願乞除滅

未作之罪。不敢復造。從今日去。至於菩提。起堅固信。不復退轉。捨此身命。若生地獄道。若生餓鬼道。若生畜生道。若生人道。若生天道。於三界中。若受男身。若受女身。若受非男非女等身。若大若小。若昇若降。受諸迫惱。難堪難忍。誓不以苦故。退失今日信心。寧於千劫萬劫。受種種苦。誓不以苦故。退失今日信心。仰願諸佛大地菩薩。同加救護。同加攝受。令某等信心堅固。等諸佛心。同諸佛願。眾魔外道。所不能壞。相與至心。

慈悲懺卷一

十三

路一

等一痛切。五體投地。

歸依十方。盡虛空界。一切諸佛。拜

歸依十方。盡虛空界。一切尊法。拜

歸依十方。盡虛空界。一切賢聖。拜

今日道場。同業大眾。善攝心聽。夫人天幻惑。世界虛假。由其幻惑非真。則無實果。虛假浮脆。則遷變無窮。無實果故。所以久滯生死之流。遷變改故。所以長汎愛苦之海。如是眾生。聖所悲念。故悲華經云。菩薩成佛。各有本願。釋迦不現長。

年。促爲短壽。悲此眾生。變化俄頃。長淪苦海。不得出離。故在此土。救諸弊惡。教有剛強苦切之言。不捨於苦。而度眾生。未嘗不以善法方便。弘濟益之心。所以三昧經言。諸佛心者。是大慈悲。慈悲所緣。緣苦眾生。若見眾生。受苦惱時。如箭入心。如破眼目。見已悲泣。心無暫安。欲拔其苦。令得安樂。又諸佛等智。其化是均。至於釋迦。偏釋勇猛。以能忍苦。度脫眾生。當知本師。慈恩實重。能於苦惱眾生之中。說種種語。利益一切。我

慈悲懺卷一

十四

路一

等今日不蒙解脫。進不聞一音之旨。退不覩變樹潛輝。良由業障。念與悲隔。相與今日起悲戀心。以悲戀如來故。善心濃厚。既在苦中。憶如來恩。嗚咽懊惱。慚顏哽動。等一痛切。五體投地。至心奉爲國王帝主。土地人民。父母師長。信施檀越。善惡知識。諸天諸仙。聰明正直。天地虛空。護世四王。主善罰惡。守護持呪。五方龍王。龍神八部。廣及十方。無窮無盡。一切眾生。

歸依十方。盡虛空界。一切諸佛。拜

歸依十方。盡虛空界。一切尊法。并

歸依十方。盡虛空界。一切賢聖。并

相與胡跪合掌。心念口言。作如是說。

諸佛大聖尊。覺法無不盡。天人無上師。

是故爲歸依。一切法常住。清淨脩多羅。

能除身心病。是故爲歸依。大地諸菩薩。

無著四沙門。能救一切苦。是故爲歸依。

三寶護世間。我今頭面禮。六道諸眾生。

今盡爲歸依。慈悲覆一切。皆令得安樂。

慈悲懺卷一

十五 路一

哀愍眾生者。我等共歸依。

五體投地。各自念言。仰願十方一切三寶。以慈

悲力。本願力。大神通力。不思議力。無量自在力。

度脫眾生力。覆護眾生力。安慰眾生力。令諸眾

生。皆悉覺悟知。某等今日爲其歸依三寶。以此

功德力。令諸眾生。各得所願。若在諸天諸仙中

者。令盡諸漏。若在阿脩羅中。捨憍慢習。若在人

道。無復眾苦。若在地獄餓鬼畜生道者。卽得免

離。又復今日若聞三寶名。及與不聞。以佛神力。

令諸眾生。盡得解脫。究竟成就。無上菩提。同諸

菩薩。俱登正覺。

斷疑第二

今日道場。同業大眾。一心諦聽。夫因果影響。感

應相生。必然之道。理無差舛。而諸眾生。業行不

純。善惡迭用。以業不純。所以報有精麁。或貴或

賤。或善或惡。其事匪一。參差萬品。既有參差。不

了本行。以不了故。疑惑亂起。或言精進奉戒。應

得長生。而見短命。屠殺之人。應見促齡。而反延

慈悲懺卷一

十六 路一

壽清廉之士。應招富足。而見貧苦。貪盜之人。應

見困躓。而更豐饒。如此疑惑。人誰無念。而不知

往業植因所致。如般若所明。若有讀誦此經。爲

人輕賤者。是人先世罪業。應墮惡道。以今世人

輕賤故。先世罪業。則爲銷滅。而諸眾生。所以不

能深信經語。有此疑者。皆由無明惑故。妄起顛

倒。又不信三界內是苦。三界外是樂。每染世間。

皆言是樂。若言樂者。何意於中復生苦受。飲食

過度。便成疾疹。氣息喘迫。鼓脹疔痛。又至衣服

彌見憂勞。寒得絺綌。則恩薄念淺。熱見重裘。則苦惱已深。若言是樂。何意生惱。故知飲食衣服。眞非是樂。又言眷屬以爲樂者。則應長相歡娛。歌笑無極。何意俄爾無常。倏焉而逝。適有今無。向在今滅。號天叩地。肝心寸斷。又不能知生所從來。死所趣向。銜悲相送。直至窮山。執手長離。一辭萬劫。諸如此者。其苦無量。眾生迷見。謂其是樂。出世樂因。皆言是苦。或見進嗽蔬澀。節身時食。去其輕軟。習糞掃衣。皆言是等強自困苦。

慈悲懺卷一

十七

路一

不知此業是解脫道。或見布施持戒。忍辱精進。經行禮拜。誦習之人。慙勤不懈。皆言是苦。不知是等修出世心。脫有疾病死亡之日。便起疑心。終日役此心形。無時暫止。人之氣力。何以堪此。若不勤勞。豈當致困。徒喪身命。於事無益。或復自秉其說。理實如之。不知推果尋因。妄構此惑。若遇善知識。則其惑可除。遇惡知識。則其愚更甚。因疑惑故。墮三惡道。在惡道中。悔何所及。今日道場。同業大眾。凡有此疑。因緣無量。且疑惑

習氣。出三界外。尙未能盡。況在今形。云何頓去。此生不斷。後世復增。大眾相與方涉長途。自行苦行。當依佛語。如教修行。不得疑惑。辭於勞倦。諸佛聖人。所以得出生死。度於彼岸者。良由積善之功。故得無礙。自在解脫。我等今日未離生死。已自可悲。何容貪住此惡世中。今者幸得四大未衰。五福康愈。遊行動轉。去來適意。而不努力。復欲何待。過去一生。已不見諦。今生空擲。復無所證。於未來世。以何濟度。拊臆論心。實悲情

慈悲懺卷一

十八

路一

抱。大眾今日。唯應勸課。努力勤修。不得復言。且宜消息。聖道長遠。一朝難辦。如是一朝還復一朝。何時當得所作已辦。今或因誦經坐禪。勤行苦行。有小疾病。便言誦習勤苦所致。而不自知。不作此行。早應終亡。因此行故。得至今日。且四大增損。疾病是常。乃至老死。不可得避。人生世間。會歸磨滅。若欲得道。當依佛語。違而得者。無有是處。一切眾生。違佛語故。所以輪轉三塗。備嬰眾苦。若如佛語。都無休息。勤於諸法。如救頭

然勿使一生無所得也。相與人人等一痛切。五體投地。如大山崩。奉爲有識神已來。至於今日。經生父母。歷劫親緣。和尚。阿闍黎。同壇尊證。上中下座。信施檀越。善惡知識。諸天諸仙。護世四王。主善罰惡。守護持呪。五方龍王。龍神八部。廣及十方無窮無盡。一切眾生。歸依世間大慈悲父。維衛佛等七佛。善德佛等十佛。出分別功德經。金剛不壞佛等三十五佛。出決定毗尼經。普光佛等五十三佛。出觀藥王藥上二菩薩經。寶海佛等百七十佛。出稱揚諸佛功德經。拘樓孫佛等千佛。出三劫三千佛名經。此係過去七佛世尊起。

慈悲懺卷一

十九

路一

南無彌勒佛 南無維衛佛
南無式棄佛 南無隨葉佛
南無拘畱秦佛 南無拘那含佛
南無迦葉佛 南無釋迦牟尼佛
南無無邊身菩薩 南無觀世音菩薩
又復歸依如是十方盡虛空界一切三寶。願以慈悲力。同加攝受。以神通力。覆護拯接。從今日去。至於菩提。四無量心。六波羅蜜。常得現前。四無礙智。六神通力。如意自在。行菩薩道。入佛智。

慧同化十方。俱登正覺。

今日道場。同業大眾。重複至誠。善攝心念。相與已得入歸信門。唯應秉意。以趣向爲期。於內外法。莫復畱難。若本業不明。自不能造見人作福。唯應獎勸。彈指合掌。明進其德。不宜起心。生諸妨礙。使彼行人。心成阻退。若是不退。彼進如故。彼既無滅。唯當自損。空構是非。於身何益。若能於善無有礙者。可謂合道。有力大人。若今作礙。於未來世。云何能得通達佛道。就理而尋。損害

慈悲懺卷一

二十

路一

實重。阻他善根。罪真不輕。如護口經說。有一餓鬼。形狀醜惡。見者毛豎。莫不畏懼。身出猛焰。猶如火聚。口出蛆蟲。無有窮盡。膿血諸衰。以自嚴身。臭處遠徹。不可親近。或口吐燄。支節火起。舉聲號哭。東西馳走。是時滿足羅漢。問餓鬼曰。汝宿何罪。今受此苦。餓鬼答言。吾往昔時。曾作沙門。戀著資生。慳貪不捨。不護威儀。出言麤惡。若見持戒精進之人。輒復罵辱。偏眼惡視。自恃豪強。謂長不死。造於無量不善之本。而今迫憶。悔

無所補。寧以利刀自截其舌。從劫至劫。甘心受苦。不以一言誹謗他善。尊者還闍浮提。以我形狀。誡諸比丘及佛弟子。善護口過。勿妄出言。設見持戒不持戒者。念宣其德。吾受鬼身。經數千劫。終日竟夜。備受楚毒。若此報盡。復入地獄。是時餓鬼說此語已。舉聲號哭。自投於地。如大山崩。今日道場。同業大眾。如經所說。大可怖畏。止以口過。獲報累劫。何況其餘不善之本。捨身受苦。皆由作業。若不作因。云何得果。若有造因。果

慈悲懺卷一

三

路一

終不失。罪福不遠。身自當之。譬如影響。不得捨離。因無明生。亦因而死。去來現在。行放逸者。未見是人。而得解脫。能守護者。受福無窮。今日大眾。宜各慚愧。洗滌身心。懺謝前咎。革故不造新。諸佛稱歎。相與從今日去。若見人之善。莫論成與不成。久與不久。但使一念一頃。一時一刻。一日一月。半年一歲。已自勝於不作者矣。所以法華經言。若人散亂心。入於塔廟中。一稱南無佛。皆已成佛道。而況有人能發如是。大心勤於福

善不隨喜者。聖所悲念。^某等自惟無始生死已來。至於今日。已應有無量惡心。阻人勝善。何以知然。若無是事。云何今日於諸善法。多有畱難。禪定不能習。智慧不能修。少時禮拜。已言大苦。暫執經卷。復生厭念。終日勞擾。起諸惡業。使此身形。不得解脫。如蠶作繭。自縈自縛。如蛾赴火。長夜焦然。如是等障。無量無邊。障菩提心。障菩提願。障菩提行。皆由惡心。誹謗他善。今始覺悟。生大慚愧。稽顙求哀。懺悔此罪。唯願諸佛諸大

慈悲懺卷一

三

路一

菩薩。以慈悲心。同加神力。令^某等所懺除滅。所悔清淨。所有障礙。無量罪業。因今懺悔。淨盡無餘。相與人人等。一痛切。五體投地。歸依世間大慈悲父。

南無彌勒佛	南無釋迦牟尼佛
南無善德佛	南無無憂德佛
南無栴檀德佛	南無寶施佛
南無無量明佛	南無華德佛
南無相德佛	南無三乘行佛

南無廣眾德佛 南無明德佛

南無師子遊戲菩薩 南無師子奮迅菩薩

南無無邊身菩薩 南無觀世音菩薩

又復歸依如是十方盡虛空界一切三寶相與

胡跪合掌心念口言某等從無始生死已來至

於今日未能得道受此報身於四事中曾無捨

離貪瞋嫉妒三毒熾然起眾惡業見人布施持

戒自不能行不能隨喜見人忍辱精進自不能

行不能隨喜見人坐禪修智慧業自不能行不

慈悲懺卷一

三三 路一

能隨喜如是等罪無量無邊今日懺悔願乞除
滅又復無始已來至於今日見人作善修諸功
德不能隨喜行住坐臥於四威儀心無慚愧憍
慢懈怠不念無常不知捨此身形應入地獄於
他身色起種種惡障人建立三寶興顯供養障
人修習一切功德如是罪障無量無邊今日懺
悔願乞除滅又復無始已來至於今日不信三
寶是歸依處障人出家障人持戒障人布施障
人忍辱障人精進障人坐禪障人誦經障人寫

經障人齋會障人造像障人供養障人苦行障

人行道乃至他人一毫之善皆生障礙不信出

家是遠離法不信忍辱是安樂行不知平等是

菩提道不知離妄想是出世心致使生處多諸

障礙如是罪障無量無邊唯有諸佛諸大菩薩

盡知盡見如諸佛菩薩所知所見罪量多少今

日慚愧發露懺悔一切罪因苦果願乞銷滅從

今日去至坐道場行菩薩道無有疲厭財法二

施無有窮盡智慧方便所作不空一切見聞無

慈悲懺卷一

三四

路一

不解脫相與至心五體投地仰願十方一切諸
佛大地菩薩一切賢聖以慈悲心同加神力令
六道一切眾生以今懺法一切眾苦皆悉斷除
離顛倒緣不起惡覺捨四趣業得智慧生行菩
薩道不休不息行願早圓速登十地入金剛心
成等正覺

懺悔第三

今日道場同業大眾經言在凡謂之縛在聖謂
之解縛卽是三業所起之惡解卽是三業無礙

之善一切聖人安心斯在神智方便無量法門明了眾生善惡之業能以一身作無量身能以一形種種變現能促一劫以爲一日能延一日以爲一劫欲停壽命則永不滅欲現無常則示涅槃神通智慧出沒自在飛行適性坐臥虛空履水如地不見險難畢竟空寂以爲棲止通達萬法空有俱明成就辯才智慧無礙如是等法不從惡業中生不從貪瞋嫉妬中生不從愚癡邪見中生不從懶惰懈怠中生不從憍慢自養

慈悲懺卷一

三五

路一

中生唯從謹慎不作眾惡勤行善業中生何處見人修諸善業隨從佛語而有貧窮者有醜陋者有癯殘百疾不自在者有卑賤爲人陵懣者有所言說不爲人信用者今以身證若有一人隨從佛語修諸功德不爲自身而得惡報者寧以我身入阿鼻地獄受種種苦使此等人得惡報者無有是處

今日道場同業大眾若欲捨凡入聖者當依佛語如教修行莫辭小苦生懶惰心宜自努力懺

悔滅罪經言罪從因緣生亦從因緣滅既未免於凡類觸向多迷自非資以懺悔無由出離相與今日起勇猛心發懺悔意懺悔之力不可思議何以知然阿闍世王有大逆罪慚愧悔責重苦輕受又此懺法令諸行人得安隱樂若能自課努力披誠至到稽顙懺悔歸依畢竟爲期者而不通感諸佛未之有也惡業果報影響無差應當怖懼苦到懺悔各各至心等一痛切五體投地心念口言作如是說遙請諸佛同加哀愍

慈悲懺卷一

三五

路一

願救我苦厄	大悲覆一切	普放淨光明
滅除癡暗暝	念我及一切	方嬰地獄苦
必來至我所	施令得安樂	我今稽首禮
聞名救厄者	我今共歸依	世間慈悲父
南無彌勒佛	南無釋迦牟尼佛	
南無金剛不壞佛	南無寶光佛	
南無龍尊王佛	南無精進軍佛	
南無精進喜佛	南無寶火佛	
南無寶月光佛	南無現無愚佛	